

inquerissi con che zente è zonto il conte Cristofolo, et si ha più numero di quello era solito esservi a li tempi passati.

Fu mandato a Treviso Sebastian Paxe rasonato a far li 40 santi per Cividal, come ozi è stà preso in Pregadi, e datoli page... per uno, e scrito al Podestà e capitano a Treviso mandi uno bombardier.

*A dì 19.* La matina vene l'abate di Borgognoni episcopo di Cremona, al qual per il Patriarcha è stà commesso la causa di sier Vidal Veturi, è stà retenuto per aver tolto do mojer, e disse li Avogadori debi soprastar fino lui termini si la prima era so' mojer over non. E qui con li Avogadori fo gran contrasto; *tamen* la Signoria terminò che li Avogadori soprastaseno per 8 zorni di redur el Colegio, e in questo mezo ditto abate expedisse la materia. Et il Colegio fo butà; tochò sier Francesco da Pexaro avogador, sier Andrea Mudazo e sier Hirovimo da Pexaro consieri, sier Piero Morexini cao di XL, sier... Signori di note, et il Veturi è in preson apresso l'Armamento.

Vene il Legato dil Papa in Colegio, e volse audiencia con li Cai, et fo sopra la opera di quel frate Andrea di Ferara, qual è ito a Ferara, non si lassi scampar.

Fo letere di Verona di rectori, quali mandano letere di l'orator nostro in Spagna, zœ in Alemagna, quale erano in zifra, venute con le poste cesaree tien sul veronese.

*Di sier Francesco Corner el cavalier orator nostro in Alemagna, fo letere di 6 et 11 Zener.* Il sumario dirò di soto. Se intese la morte dil cardenal di Croy nepote di monsignor di Chievers, zovene di anni... morto in 7 zorni, havia intrada ducati 80 milia, la qual intrada il re di Romani vol darla tutta a uno suo fratelo di età di anni... e vol veder di farlo Cardenal.

Da poi disnar, fo Colegio di Savii ad consu-lendum.

Essendo stà per el tempo passato provisto che sopra i rii et nostro Canal grando, et da le parte di fuora verso de questa città, le lagune nostre, non se potesse far ponti, nè meter pali, nè far fabricha alcuna su dicti pali per non impedir el corso de le acque et aterar epsa laguna; perchè da certo tempo in qua sono stà molti che contra la forma de le dite provision hanno facto pontili et altri edifici sopra pali, facti pali e facti cavane contra quello el dove-

vano et potevano in gran danno del corso de le acque et per *consequens* de dicti lacune nostre; et volendo li Savi nostri sopra le aque exequir l'oficio suo, se trovano molti zentilhomini nostri, come altri, che fanno resistentia e non lassano cavar et destruzer quello è stà fato contra el dover, menazando et injuriando li ministri dil ditto oficio de sopra le acque, trahendoli *etiam* de i saxi, per modo che se non se li provede oportuno remedio le cose andrano in sinistro, et però :

L'anderà parte, che per autorità de questo Consejo, sia preso che tutti quelli, siano de che condition esser se voglia, si ecclesiastici come seculari, che se trovano aver pontili, cavane over altri edifici facti sopra le lagune nostre, in Canal grando, canali et rii de questa città nostra, contra quelli ponno haver, debano in termene di zorni 8 dal dì de la publication de la presente parte haver desfato et destruto tutti quelli, et *similiter* haver cavati et levati via tutti i pali avesseno mezo pe' luntan de le fondamente, exceptuali però i pali facti ai trageti per il dismantar de le persone, qual per tutti tre li Savi nostri sopra le acque d'accordo e non altramente siano regoladi et modificati in quel melior modo a loro aparerà; et passati li diti zorni 8, siano obligati i Savi nostri sora le acque farli cavar, et i pali et legnami siano de i ministri de l' officio che caverano, azio el dito officio habi quella minor spesa sia possibile per el cavar di quelli. Et se 'l sarà alcuno, sia chi esser se voglia, che habia ardimento de contradir over obstar, menazar, offendere over inzuriar alcuno de dicti ministri, cadino et se intendino esser czudi a la pena di dueati 25 per uno, i quali siano aplicadi a la evation de rii, et se 'l sarà zentilhomo sia bandito dal nostro Mazor Consejo per un anno, e se 'l non sarà zentilhomo star debi mexi 6 in preson, nè se li possi far gratia alcuna sotto pena de la più strecta parte de i contrabandi. Et la execution de la presente parte sia commessa ai Savi nostri sopra le acque predicti et a cadaun de quelli, i qual possino exigerla senza altro Consejo.

Publicata fuit ista pars super scalis Saneti Marci et Rivoalti per Stefanum Pauli precomem publicum, legente Nicolao Florio fabricherio nostro super aquas ad comunem noticiam.